

КОМСОМОЛОНЬ ВАЙГЯЛЬ

Счастливай идень праздник

Июньтть I-це шия шовдава Саранскаень паркса аф кода эрь шия. Пингсь кемонь частт. Парктъ эзга, урядаф кинятненъ эзга весиласта, кштизь моразь группань-группа якасть разнай серьса стирьнят и цюранят. Кожфсь уфсезень синь якстерегалстук песнон и кой коста шuftтненъ пачк ваны манить карше-са пиндолцть синь мяшчост значек-сна „Будь готов!“

Нят сембе йомла гражданиттне, гражданкатне ульсь пингя мзар да якасть вокзалга, улыцява, ве-шенцть прянь трямс трюшникон-ия али кши сускомне. Нльня изезь еодся кода щэфнемс лангозост трусит, майкат, комбинацият и нильгозост од ботинкат, туфлят.

Тя ульсь кизода, кафтта, кол-мода инголя, а тьяни... Тьяни сят ингольденъ рдазу, сязентф ша-батыне наряжафт-чистай блузкаса, цебарь ботинкаса, туфляса и мяшт-сост якстерь галстуксна.

Тьяни синь нинге сядонга як-веселят и радостнайхть. Мордови-янь сембе идень кудтненъ эзда инь цебарь воспитанникне пуромсть республикань центрав празднику, коса няфцазь художественнай эсь дарованияснон.

Сембе садть эзга кандовсь цин-горды пайгя вайгяльсь. Ветя мину-тада меле Мокшэрзянь государст-веннай театрань сембе стулхне за-няфт нят йомбла жизнерадостнай ломатътненъ мархта.

Тя шись нят ингольденъ беспри-зорникненди йофсикс аф юкта-ви. Тьяни топодсь киза, кода пар-тияньке и правительстваньке лиф-цть пугфкс „Идень беспризор-ность и безнадзорность машф-томанц колга“.


Художественнай олимпиадась ланьжезья МАССР-нь ЦИК-ть пред-седателец Сурдин ялгась.

Вишка кядень цяпамаса идтьне васьфтезь Сурдин ялгать валонзон-ка азозе, што анычек советской властсь, коммунистической пар-тиясь и минь дорогой вожденьке Иосиф Виссарионович Сталин тья-тама оцю забота няфни трудяйх-ненъ идьснон шири, а башка аляф-топненъ мамафтопненъ шири.

Сурдин ялгать вступительнай валонц аделамода меля ушедсь ху-дожественнай олимпиадась. Васен-да выступали Кемляйской идень кудста воспитанникне. Синь вы-ступлениясост оцю мяль шарфни эсь ширезонза интернациональной, инсценировкась, марстонъ и баш-ка кштиматне. Кемляйской идень кудста воспитанникненъ меля высту-пали Инсарской идень кудста вос-питанникне.

Обедамода меле залста сембе ащихненъ кемоста таргазь мяльс-нон Темникованъ и Куриловской идень кудста воспитанникненъ вы-ступлениясна. Васенда лиссть Тем-никованъ идень кудста воспитан-никне физкультурнай номер мархта. Вейхкса ломатть сембе щафт акша блузкаса и трусса. Физкультурнай работасост синь няфцть исключи-тельной дисциплинированность и цебарь аноклаф ши. Сембе движе-нияньне тиенцазь мяргат кода фкя ломань. Тьяста жа кафта вос-питанникнат няфцть цебарь мастер-

МОСКУСА В. И. ЛЕНИНТТЬ МУЗЕЕЦ.



Снимкаса: VIII-це залсь (1917-це кизонь март—июнь). Центраса Манивер художникть скульптурац „Ленинцъ броневик лангса“.

ство кштимста. Синь кштисть вос-точной танецт, коса няфнезь це-барь аноклаф шиснон и ловкость-снон.

Ашель кода аф дивандамс сембе тоса ащи публикати Куриловской идень кудста физкультурнай кру-жокть няфнеф номеронзон лангс. Лисьсть 12 од физкультурникт, ко-натненъ эзда инь оцюти 12 киза, а инь йомлати 6 кизот. Нят кода кизоса физкультурникне Морозова Галясь и Молоканова Дусясь сем-бе группать мархта участвондасть парадса, физкультурнай вольнай движениясь, пирамиданъ тиемаса, марстонъ танецса и ст. тов.

Омбоце шить эзда олимпиадась ушедовсь Якушинской идень куд-ста воспитанникненъ выступле-нияснон мархта. Тьяса тьяфтажа физ-культурнай кружокть работац за-служивает оцю мяль, конач эсь выступленияснонз няфцть оцю ор-ганизованность и аноклаф ши.

Вишкста кядень цяпамат и ця-ма вайгяльхть получандакшнестъ Куриловской и Якушинской идень кудонъ струнный оркестрхне. Синь аноклаф шисна заслуживает цебарь оценка.

Ровна 2 часца шить театранъ сценать ланге арасть рядс олимпи-аданъ сембе участникне и пуромсь своднай оркестр. Тьяса Саранскай ошень шефне сембе идень кудтненъ-ди максть казнет, а стане-жа казнет шефненди макстть Темникованъ и Куриловской идень кудтне, ко-лат ащихть картинаста, музыкаль-най инструментста, вождьтненъ портретсна и ст. тов. Куриловской идень кудста пионерхне комсомо-лонъ обкомти максть эсь нядса вышитай знамя.

Тьяса жа ульсь лувф Нарком-протъ приказоц инь цебарь идень кудтненъ и башка руководител-хненъ цебарьста анокламанкса и работанкса каземаснон колга.

Олимпиадась аделавсь струнный оркесторхненъ и сембе участник-ненъ „Марш веселых ребят“ мора-манц мархта.

ЛУВОНДОМС ИДЬТНЕНЬ ИНТЕРЕСНОН— ТЯ ГЛАВНАЙСЬ

Куриловской идень кудста пионервожатайсь
Подгорная ялгась

Киза пиле мархтода сядя инголе минь идень кудса пионеркс лувон-довсть аф сембе шабатыне, конат пионерской возрастсот. Причинась тьянди ся, што шабатыне изезь лувонда эрявиксоньди улемс пио-неркс сяс, мес пионер отрядса кодамовок работа ашель.

Марнек лия тьяни картинась минь идень кудса. Сембоц 96 ломанть эзда 58-сь ащихть пионеркс, а лядыхне октябрятской группаса. И пожайай аф муви 2-цке отрядт-ненъ эзда тьятама пионер, конач афоль уль активнай пионеронъ сембе работаса.

Мезсь лездсь ладямс тьята минь работаньконъ пионерхненъ мархта? Главнайсь ащи тоса, што минь ке-моста ушодомя лувондомост синь-ценъ шобатненъ интереснон. А эряви азомс, што идьтненъ инте-рессна пия оцю. Фкять мялецулемс специалистокс музыкаса, омбо-цетъ—улемс инь цебарь спорт-сменкс, колмоцетъ—улемс конст-рукторкс, пилецетъ—летчикокс и ст. тов.

Минь инголенок арась задачась ся, штоба пионеротрядса работать лядямс стая, штоба лядшкodemс идьтненъ нят потребностснон. Сянъ някса минь пуроптомя башка разнай кружокт. Минь тьяни улихть струнный аркестроньке 18 ломань-ста, драмкружоконьке, физкуль-турнай 2 кружоконьке, коса сем-боц 26 ломань, литературнай кру-жоконьке, юнай натуралистанъ и технической кружоконьке и лият.

Ули кода оцю ошибка нолдамс кружокненъ работаса. Тевсь тоса, што аф сембе пионерхненъ мяль-сна улемс фкя специальностьса. Вов кеподьксоньди технической кружокса. Кой конанъ мялец улемс

токарькс, а лиять мялец улемс столяркс. Тьята жа лия кружок-ненъ эса. Сяс эряви лувомс эрь пионерть мяленц и лездомс сонъ касомандты тя отраслять эса, ко-нанъ сон кельгсь.

Оцю васта минь Тработасонок заньци фузкультурнай работась. Тьянга минь улихть пуроптфткаф-та физкультурнай кружоконьке. Фкять эса ащихть сядя оцюфне а омбоцетъ эса сядя йомлатне. Но-тя аф корхтай сянъ ингса, што физкультураса участвовандайхть анычек нят 26 ломаньц, конат ащихть физкультурнай кружокса. Физкультураса минь участвован-дайхть сембе идьтне. Физкультур-най кружокса минь анычек тонаф-нетяма од вешат, а уж сядя меле, ваймама шиста кружоконъ чет-ненъ вельде нят тонафтф номерх-ненъ тонафнесайнек сембе пи-онерхненди и октябрятътненди.

Кружокненъ работаса минь прак-тикастонок лифтемя ниньгя фкя важнай момент. Лама пионер, ко-натненъ мяльсна улемс аф анычек фкя кружокса. Сяс минь сядя оцю кружокненъ работаманъ расписа-нияснон тиенцаськ стая, штоба синь занятиясна афольхть уленде фкя шия. Тьянь вельде минь макс-сетяма возможность пионерхненъ-ди улемс аф анычек фкя кружок-са.

Тьяни минь можем азомс, што воспитательнай работась Курилов-ской идень кудса идьтненъ йоткса ладяф цебарьста. Школаса сембе идьтне тонафнихть цебарьста и дисциплинась кемя.

Работаньконъ ладьсемс тейнек кемоста лезды „Пионерская прав-да“ газетась, конанъ мархта минь кирдьтама кемя соткс.

ВЛКСМ-сь — МАССОВАЯ БЕСПАРТИЙНАЯ ОРГАНИЗАЦИЯ

„Сембесозонь од ломанень ленинской коммунистической союзсь ащи массовой беспартийной организациякс, примы- кандакшни ВКП(б)-ти, пуропне- сыне эсь рядонзон эса ошень и велень передовой, политически грамотной трудяй од ломанень кели слыхнень. ВЛКСМ-сь пу- тни эсьтеенза задачкас лездомс (большевиконь) коммунистиче- ской партияти од ломатътнень и идьтнень коммунизма духа воспитандама тевса“

(ВЛКСМ-нь программа)

ВЛКСМ-нь од программа, а тяфта жа и уставса, конат примафт союзть X-це с'ездонц мархта, максф шарьхкодеви и четкай формулиро- вка ленинской комсомольт существ- ванц колга, сон азондсы (опреде- ляет) минь союзонькень характе- ронц и сонь задачанзон в соответ- ствии Сталин ялгать указаниязон и партияти директиванзон мархта Программась определяндакшнесы ленинской комсомольт существанц, сонь востонц пролетарской дикта- турат системаса и ленинской ком- сомольт задачанзон таниень исто- рической этапса.

Комсомольс — организациясь бес- партийная. Пролетариатт дикта- туранц эса основной и главной на- правляющей выйкс ащи большеви- стской партияс — рабочей класст передовой организованной отрядон. Сон „пролетариатт классовый об- единениянь высшай формац“ (Ленин). Партияс-тя „пролетариатт дикта- туранц системаса основной руко- водящей выйс“ (Сталин). Сон пу- ропнесыне пролетариатт сембе массовой организациязон работас- сон и водендакшнесыне синь фкя цели — коммунистической обще- ствовать строяманцы. Штоба йотаф- немс эряфс коммунизма строитель- ствовать лангса эсь руководств- ванц, партияти должетт улемс тяфта азондкшневи „приводнай реме- ненза“ — пролетариатт массовой организациянза, конат сотнесазь ВКП(б)-ть трудящай массатътнень мархта. Тяфтама „приводной реме- нькс“ ашихть профсоюзне, кооперациясь, советне, комсомольс. Партияс прокс лувондозе (рассма- тривал) комсомольт кода привод- най ремень, кода сотнесы сонь одломанень кели слыхнень мар- хта. Эсь работасонза „К вопросам ленинизма“ 1926-це кизоня Сталин ялгась макссь тяфтама определения комсомолти:

„Тя — рабочий и крестьянской од

ломанень массовой организация, аф партийной организация, но при- мыкандакшни партияти. Сон пути- эсьтеенза задачкас лездомс пар- тияти од поколениять социализ- ма духа воспитандама тевса“ (И. Сталин. „Вопросы ленинизма“, 115 лопаширеса)

Ленинонь и Сталинонь учениясна од ломатътнень и комсомольт колга музе эсь отражениянц и партияти с'е- здонзон решенияснон эса. ВКП(б)-ть VIII-це с'ездонц (1919 кизоня) ре- шениянзон эса ксрхтэви, што ком- сомольс должен пяхькодькшнемс „вельф оцю работа од ломатътнень организовандамсон и коммуни- стической воспитанияснон колга“, серьгядькшнемс „пролетарской юношествовать коммунистической об- ществовать непосредственной строи- тельствати и советской республи- кать ареляманцы“.

РКП(б) ть XI-це с'ездонц (1922 ки- зоня) решениянзон эса комсомольт колга кизефкснень эса эзф, што сон ащи „коммунистической воспи- таниянь массовой организациякс“.

Тяфта, минь нийсаськ, што пар- тияс прокс лувондозе комсомольт, кода од ломанень массовой органи- зация, конанцы главной задачкас ащи подрастающей поколениять- нень коммунистической воспитани- яснон организовандама. Сяс аф удивительна, што сембе эсь исто- рианц йотамс (на протяжении) ком- сомольс макссесь решительной от- пор сембе попыткахненьди шарф- томс комсомольт узкай, замкнутой организациикс, сембе сятъненьди, кие лувондозе комсомольт эсь ро- сонза „ючай коммунистонь“ пар- тиакс.

Комсомольт II-це с'ездонца (1919 кизоня), III-це (1920 к) и IV-це (1921 кизоня) с'ездтнень эса мушлендовсь башка ялгат, конат мак- ссесь тяфтама предложеният. Йоф- си содави, што тяфтама предложени- ятьне вятъсь комсомольт партияти противопоставления, союзть сек- танской замыканиянцы и противо- речендасть ВЛКСМ-ть воспитатель- ный характеронцы. Тя противопос- тавлениясь мог максомс лезкс анычек партияти врагонзонды, ко- нат тюрсть сонь ленинской руко- водстванц каршес. И действительна, троцкистне, зиновьевце и лия антипартийнай элементне, выйкс- та, но успехфтома тяряфнесь нол- дамс союзса мьял партияти и ком- сомольт равноправияснон колга и сяконь мархта сяземс партияти ру- ководстванцы комсомольт довери-

яни. Вов мес комсомольс тязень сембе нят антиленинской теориять нень.

Сянь колга арьсемась (представ- лениясь) што комсомольс ащи ко- дама-либа мераса партийной орга- низациякс, противоречиндай лени- низмат, ся мес пролетарской дик- татурат системасонза может улемс анычек фкя, единственной и единой партия, кода вати руководства бес- классовой социалистической обще- ствовать строяманц инкса сембе тю- ремать лангса. Комсомольс анычек помощник партияти, сонь приводнай ремень трудяй од ломанень кели слыхненьди. Тя значит, што ВЛКСМ сь ащи (представляет собой) беспартийной организациякс, кода пуропнесыне эсь рядонзон эса пе- редовой советской од ломатътнень, организация, кода пути эсь инго- ленза од поколениять коммунисти- ческой воспитаниянь и сонь совет- ской властть перьф организованда- мань задача.

Нинге кизода инголе Сталин ял- гась макссесь союзи указания сян колга, што главной задачкас, конанц решандаманц лангса должен таниень пиньгть работамс комсо- мольс, ащи од ломатътнень и идь- тнень коммунистической воспитани- ясна И видекс. Минь странасонк пяхькодьфт индустриализациянь и коллективизациянь задачатне. Сем- бе отрасльнень эзга тийф социа- листической хозяйства и тя смыс- ласа минь машфтынек класснень, минь машфтынек классонь лисема (возникновениянь) причинатънень. „Минь обществаньке ащи исключи- тельна ошень и велень свободной труженикнень эзда — рабочайхнень, крестьятнень, интеллигентъ эзда“ (Сталин). Улихть машффт рабо- чайхнень и крестьятнень йоткса избирательнай праваса неравенст- вань лиядксне Аноклакшневихть сембе условиятьне коммунизмат йотамати. Социалистической строи- тельствань дальнейшай успехне ашихть сян эзда, кода успешнай- ста минь карматама аноклама од кадрат. Сталин ялгась корхтась сян колга, што таниень пиньгть кадратне решандасэзь сембе, кадратне, конат тонадозь техни- кать, конат аф пелихть трудность- та, способнайхть нят трудностънень машфнемс.

Кадрань воспитандама и анокла- ма тевса комсомольт талекас пра- шенды оцю роль. Советской Со- юзть населениянц эса 43 процентт тиенъдихть од ломатътне и идьтне,

конат шачсь Великай Октябрьс- кай революцияда меле. Нят од ло- матътнень коммунистической воспи- таниясна ащи главной задачкас комсомолти. Вов мес партияс во- дендакшнесы тязь комсомольт главной мялень шарфтоманц.

Келемсь комсомольт влияниянь базац ошса и велеса. Сон должен фатьнемс эсь влияниянц мархта, вятемс воспитательнай раб- та сем- бе советской од ломатътнень йотк- ся. Вов мес комсомольс ащи мас- совай организациякс.

Но корхтай ли тя сян инкса, што комсомольт кода массовой бе- спартийной организациякс опреде- лениянц кирьфнесы союзть роленц и значениянц? А тяфтама настро- ения явондакшнесь с'ездта инголе (на кануне) нльня кой-кона активи- стънень эса. Тя йофси афправиль- ный. Сталин ялгась корхтась, што од ломанень союзсь сатсь особай значения „пролетариатт оцю куль- турнай и воспитательнай работань периодста“. Тяни нят валхне кай- гихть особенной вий мархта.

Комсомольт коммунистической во- спитаниянь задачатъненьди шаркс- тамац (поворот) аф кирьфнесы сонь роленц социалистической стро- ительстваса, а меке лангт, касфне- сы сонь, касфнесы сонь ответст- вейностенц. Партияс надьяфтозе союзи воспитандакшнемс од поко- лениять, кода представляет сембе советской народть будущностенц. Минь задачаньке — оправдамакс коммунистической партияти и советской правительст- вать тя оцю доверияснон. Тя зада- чать минь сможем пяхькодемс, организовандамоф цебарьста про- пагандистской, воспитательнай ра- ботать сембе од ломатътнень йотк- са, таргсемок передовой, политиче- ски грамотной од ломатътнень ком- сомолу, анокламок ленинской ком- сомольт сембеда преданнай, про- веряф цьоранзон и стирензон Ле- нинонь — Сталинонь великай парти- яти сувама.

Литературась:

И Сталин. „Вопросы ленинизма“, 113—116 лопаширеса.

А. Андреев. „Од ломатътнень коммунистической воспитаниясна и комсомольт задачанза“. Партиздат, 1936 к., 22 24 лопаширеса.

Е. Файнберг. „ВЛКСМ-нь од про- граммат колга доклад. II-це раз- делсь“.

Тевть вастс шава валхт

Шайговань районца аф кржа- стама первичнай комсомольской организацияда, конат ашесь кярь- модь нинге кода эряви ВЛКСМ-нь 10-це с'ездт пуропнесонзон пяхько- демасонды. Кой кода первичнай организациятне, анычек ушедкш- нихть с'ездт материалонзон изу- чандакшнема. Эряви азомсвидеста што тевсь ащи афнолдамшка лафс- ста.

Кеподьксоньди сясваськ Вертели- монь первичнай комсомольской арганизациятнень. Производствен- най первичнай комсомольской ор- ганизацияса лувондови (сембоц 5 комсомолецт (комсоргсь Бек- шаев ялгась) мекольден пингста аф мольфневи кодамовок работа. Виде, комсоргсь сяряди. Но фактсь лядкшни фактокс, што организа- цияса тямимс аш работань план, пцтай кодамовок практической ра- бота аф вятэви афсоюзнай од ло- матътнень и стирьнятнень йоткса. Тя няеви сян эзда, што мекольден- кафта кофнень пиньгста комсомо-

лу примаф сембоц анычек кафта ломатъ. Сьормас аф содама шить машфтоманц колга, станяжа мезе- вок аф тиенъдеви, аф ваномок сян лангс, што Вертелимса ули- специальнай ликвидатор Ямашкина ялгась, но сьормас аф содама шить машфтома тевсь кадф эсь отям моламат. Кода работай и йорай ли роботамс Ямашкина ял- гась, няеви тянь эзда. Сон эряй фкя кудса комсомолецт Зинкин ялгать мархта, и тя пингс аф со- дасы, што Зинкин ялгась сьормас аф содай. Сон косовок аф тонаф- ни. Тя корхтай сян колга, што Ямашкинась аф йорай работамс.

Тяни ванаськ, кода ладяф ком- сомолешнень йоткса политтонафне- мась. Афваномок сян лангс, што Вертелимской первичнай комсо- мольской организациянц кучфоль- райкомть прапагандистонц Глухов ялгась, кода эрясь ня организа- циятнень эса талонь перьф, тяпин- гть эзда йотафць анычек фкя за- нятия и тянь лангс тевсь аделавсь.

Тянь инкса муворсь васендакиге комсомолонь райкомсь, кода ашесь мольфте эрявикс контроль пропагандистнень работасон мель- га.

Аф тядь цебарьста мольфневи ра- ботась МТС-нь и территориальной первичнай комсомольской органи- зациятнень эса.

Тяста лисенди кизефкс мезе тиенъць ВЛКСМ-нь райкомть пред- ставителенза, конат якасть Верте- лимской первичнай организацият- неньди? Тя кизефксть лангса эря- ви лоткамс и няфтемс, кода рай- комсь одукс тязень первичнай ком- сомольской организациятнень мар- хта руководствань методонзон.

Кафксть якась Вертелиму Во- робьев ялгась — райкомть полит- учебань отделонц заведующаец Кодамовок практической лезкс пер- вичнай комсомольской организа- циятненьди изь макссес. Полит- тонафнемат комсомолецнень йот- кса ашезе ладя, кода ульсь тевсь- станяк и лядсь. Фиксировандазень фактнень, кода корхнихть, гос- тральнул и тянь лангса аделавсь сембе тевсь. Эряви видеста азомс,

што тяфтама „лезкссь“ первичнай комсомольской организациятнень- ди кальдява башка, мезевок аф максси.

Али вов нинге факт. Тякажа первичнай организациятненьди сась ВЛКСМ-нь райкомть уполномочен- наец Акашкин, сян вастс, штоба лездомс, а вдь сон тянь инкса и кучфоль, кармась администриро- вать. Производственной первич- най комсомольской организациять комсоргонц Бекшаев ялгать кяд- ста йоразе сязомс комсомольской билетонц сяс мес кальдявста сон работай, и якобы аф „достойнай“ улемс сон аф анычек комсоргокс, но и комсомолецекс. Моньдинь арам, тядь меле пяхьк цебарьста няеви кода сонъц Акашкинъц то- надозень X-це с'ездт решениянзон.

Мезе практически тийсть, кода- ма лезкс макссть первичнай орга- низациятненьди? Кодамовок аш. Састь прогастролировали, сюезь комсоркнень кальдяв работать ин- кса и сембе.

Ив. Казарни.

Физкультурась--одломатьтнень кельгема тевсна

ФИЗКУЛЬТУРНАИ ПРАЗДНИКСЬ САРАНСКАИСА

Майть 30 це шистонза Мокшэрян республикань физкультурань Высшай Советсь йотафтсь оцю физкультурнай праздник. Нингя шовдава физкультурнай коллективне, панчф, якстерь флаг, лозунг, вождьтнень портретснон мархта кармасть молема ипподрому. Васендакига молесть велосипедистне, сембень велосипедозост повфтафт йомла флагонят. Велосипедистнень мельге молихть наряжафста муздратехникумонь, педтехникумонь, рабфаконь и лия физкультурнай коллективне.

Пуромомок ошень сембе физкультурнай коллективне ипподрому, тоста музыкань коряс тушендыхть стадиону.

Морай духовой оркесторсь. Колоннатне фкя фкянь мельга сувсхть стадиону и пашкодькодькснесазь сембе стадионтть.

12 частса Мокшэрян ЦИК-ть председателец Сурдин ялгась, ВКП(б) нь обкомть секретарец Смирнов ялгась, ВЛКСМ-нь обкомть секретарец Иванов ялгась, и МАССР нь ВСФК-ть ответственной секретарец Купер ялгась примсезь парадть. Кайги вайгальса физкультурникне отвечавшихть приветствиятненьди „физкульт—ура“. Панжезь митингть. Вал макссевич Сурдин ялгати.

Митингть аделамок, аф лама пингта меле стадионтть ортанзон ширьде ласькихть физкультурникт. Нят Ичалкань физкультурникне састь ласькозь Саранскай физкультурнай празднику. Сембе Саранскаень физкультурникне и публикась Ичалкань физкультурникнень васьфнесазь ламос кядень цяпама са. Ичалкань физкультурникнень командорсна Сидоров ялгась максси рапорт:

—Расстояниясь—70 километрат, минь ласькозь 6 част 50 минута-ста. Участникнень настроениясна цебярь и весяла.

Стадионтть велькска лиеньдихть самолетт, конат тиеньдихть фсякай сложнай упражненият.

Трибунать вакса йотнихть сембе физкультурнай колоннатне.

Парадть аделамда меле физкультурникне и физкультурникатне футбольнай площадкать лангса тиеньдихть духовой аркестрть коряс воьнай физкультурнай движеният.

Синь мельгаст стадионца турникса тиеньдихть выступления пединститутонь физкультурникне, сятнень мельга брусьяса тиеньдихть выступления фельдшерско акушерской школань стирьянь группась.

А. Д.

Аньцек улеза мяльце

Саранск. Мокшэрян педагогической техникумса максфт сембе условиятне сянди, штоба цебярьста анокламс зачеттненьди и выпускной испытаниятненьди.

Кабинетне цебярьста оборудовандафт. Кепетьксоньди географической кабинетсь (преподавательсь А. А. Корбанов) тоса всякай ладса кархтат, глобуст и лия нагляднай пособият. Общественческой кабинетсь сатомшка наряжаф портрета и исторической картинаса, а станя жа лия кабинетневок оборудованнайхть. И ня условиятнень студентне использовандакшнесазь. Эрь шиня, эрь илядьне кабинетне пашксет студентта, конат вишкста аноклайхть зачеттненьди и выпускной испытаниятненьди.

С. А. Мокша.

Педтехникумонь физкультурникне аноклайхть кроссти

Саранск. Мокшэрян педагогической техникумонь физкультурнай коллективсь эсь физкультурниконзон и физкультурниканзон йоткста аноклай команда кросса участвовандама Командаса кармай улема 20 ломатть, тяка лувксста—9 стирьнят.

Эрь шиня командать мархта йотафневи тренировка.

Инь цебярь ласькихне педтехникумонь коллективста Жалнин Иванц, Батков Иванц, Кожаев Сашась, Сидорова Марусясь, Антонова Настясь, Лаптевась и лиятне.

Техникумонь коллективсь йорай занямс васенце васть йотафтови кросса.

Д.

„Комсомольский правдоть“ лемса кросс

Июнь ксвть 6 це шистонза физкультурань Высшай Советсь Саранск ошень ипподромса йотафты „Комсомольский правдоть“ лемса физкультурнай оцю кросс.

Кросса улихть всякай лаца дисстанцият.

Кросса примахть участия ошень сембе физкультурнай коллективне. Участникта сембец кармай улема вете сядот ломань.

Кросса занятама аф калдыав васта

Саранск. Котониннай фабрикань физкультурань коллективсь ушедсь общегородской кроссти аноклама. Эрь шиня йотафневихть участникнень мархта тренировкат.

Физкультурнай коллективть руководителец Кахнович ялгась корхтай, што минь кросса арьсетама занямс аф калдыав васта.

Организовандаф физкультурнай коллектив

Саранск. Котониннай фабрикаса инголи ашель физкультурнай коллектив.

Тяниень пингть комсомольскай организациясь кярьмодсь физкультурнай работат ладямонза. Организовандаф физкультурнай коллектив 40 ломаньца. Тийфт: волейбольнай, футбольнай, баскетбольнай площадкат, а тяфта жа тийф

турник, рамафт гранатат, мячт и ст. тов.

Тяни комсомолецне, марса афсоюзнай рабочаихнень мархта вайма пингснон йотафнесазь физкультурнай площадката. Налхксихть футболса, волейболса занимадихть турникса.

Тяни од ломатьтне кармасть макссема нормат ГТО-нь значекс.

5 комсомолецт военно-воздушной школав

Комсомолонь обкомсь кучи 5 комсомолецт Саранскайста военно-воздушной школав.

Нят инь цебярь комсомолецне Атянин ялгась,—отличник тонафнемаса и цебярь общественник. (Саранскаень Мокшэрян педтехникумста) Полежаев Семась—отличник общественник. (11-це № школаста) Прончатов (рабфакста), и лиятне.

Ня комсомолецне йотазь комиссиятнень и кырдезь испытаниятненьга.

Синь ни лувондовихть примафокс военно-воздушной школав окончательнайста.

Д.

50 велосипедистт районга

Мокшэрян республикань физкультурань Высшай Советсь июнтть 6-це шистонза Саранскайста кучи 50 велосипедистт маластонь райотненьди: Рузаевкав, Ромодановав, Кочкуровав, Ламбири. 50 велосипедисттне улихть явфт 4 командава, эрь командась моли фкя районц фкя шинь пинькс. Тя пробегсь организовандави займать 53 тираженц лемс. Ня командатне ки кувалма вельсоветтнень, колхознень, совхоснень эзга йотафтыхть летучай митингт займать 53-це тираженц колга.

Стартсь велосипедисттненьди ули максф 8 частса шовдава стадионца и финишсь 7 частса илять стадионца.

Кружокса аньцек кафта учебникть

Саранск. Котониннай фабрикань комсомольскай организацияса организовандаф политшкола, коса тонафневи партиять историят. Хоть и комсомолонь 10 це с'ездта меле политшколаса работась ингольцет коряс сяда ладяф, но сембе сяка улихть нингя пак оцю афсатыкст. Инголе афсембе комсомолецне якасть политшколав, а тяни якайхть сембе, кда афлувомс причина мархта афсашендыхнень.

Оцю афсатыксокс комсомольскай политшколать работаса ащи ся,

што сембе группаса аньцек 2 учебникт, а сембец политшколав якайда 12 ломатть. Тянь сюнеда комсомолецне сатомшкаста аф аноклакс невихть занятиятненьди, а отвечакишихть аньцек лекциятнень коряс.

И учебниктькя аш коста добувамс. Горкомсь ламоксть обещадакшнесь максомс учебникт, но тя пиньгс обещаниянц ашезе пашкодь.

А. Кульманский

Охотничай и служебнай пинень выставкаса

Саранск. Майть 30 це шистонза ошень стадионца ульсь организовандаф охотничай и служебнай пинень выставка. Выставкаса ульсь—42 пинет. Синь эздост 31 пинетнень лувф достойнайкс золотой медаленьди—1, сиянь оцю медаленьди—13, сиянь йомла медаленьди—

8 и бронзовай медаленьди—9. Хозяиттне, конат воспитандазь и касфтозь ня пинетнень казвфт. Кепетьксоньди, Соколовсь—казвф одноствольнай ружьяса, Кайданикс ружьянь кабурса, Троцкийсь охотничай сеткаса и майкаса.

А.

Йоран улемс летчикокс

Васендакига, мон седи вакса келькса летнай тевть. Нингя йолманьста мон лувондонь раскаст и книжкайат летчикнень и самолеттнень колга. Тиеньдень всякай модельхть, тонафнине самостоятельнайста авиационнай техникат. Эрь шине мон арьсекшнень летнай школать колга. Но мезевок аф тият—улень йомла.

Васенда кармамок тонафнема техникумса, мон ашине юксне летнай тевть. Но мзярда пачкодень мекольден курсти и касонь, эста, нингя сяда пак кась кельгемазе летнай школати.

Мзярда мон няян самолет, эста касозь-касы мялезе менелень нармонтть ланкс.

Омбоцекс, йоран грамс военной летчикокс сяс, што мон эрян счастливый, радостнай эряфса, кода и сембе монь ялгане—одломатьтне, а штоба ванфтомс тя счастливый, радостнай эряфть—эсь социалистической родинаньконь—то эряви анокламс сонь арелямонза. Мон аран летчикокс и отличника карман тонафнемонза летно-военнай тевть. Ну кда врагсь нежеди минь советской перезнок, то пеняцяза эзь лангозонза.

Монь комсомолонь обкомсь кучи эсон военно-воздушной школав. Монь пак оцю паваззе, кода сембе советской од ломатьтнень, монь тяни примамазь военно-воздушной школав, и арьсян, што летчикокс улян.

Спасибо Сталин ялгати счастливый, радостнай эряфонкса.

Яшз Атянин.

Саранск.
Мокшэрян
педтехникум.

500 цалковайхть премия

Майть 30-це шистонза йотаффт физкультурнай праздникса инь цебярьста ульсь наряжаф педтехникумонь физкультурнай колоннась, кода оформленияс коря ошень физкультурнай колоннатнень йоткста занязе васенце вастть. Тянь инкса МАССР-нь физкультурань Высшай Советсь педтехникумонь физкультурнай коллективть казезе 500 цалковайхть ярмакса и кадозе кядезост физкультурань Краевой Советть переходящай знамян, кода педтехникумонь физкультурнай коллективть мархта ульсь получандаф йотай кизоня физкультурнай тевса цебярьста работаманкса.

Омбоце вастть оформленияс коря занязе фельдшерско-акушерской школань физкультурнай коллективсь, кода казвф 300 цалковайхть ярмакса и грамотаса.

Колмоце вастть занязе Мокшэрян высшай коммунистической вельхозйственной школань физкультурнай коллективсь, тянка казвф 200 цалковайхть ярмакса и грамотаса и нилеце вастть занязе котониннай фабрикань физкультурнай коллективсь, мезенькса и казвф сиянь монограмма мархта физкультурнай статуэткаса.

А.

Аноклайхть состязаниятненьди

Июльть васенце пильксстонза Москуса йотафтовихть физкультурнай сембесюзнай состязаният. Ня состязаниятнень эса примахть участия и педтехникумонь коллективста команда. Тя командаса кармай улема—12 ломатть, тяка лувксста 6 стирьят.

„Ложный стыд“ пьесась Саранской театраль сценанц лангса

(Путье Ростовской н. д. сатирань театраль)

— Массатнен коммунистический духа воспитанда тевост башка васта заныи комедиясь, конань ролец нингя сядя пях кась эста, мзярда трудяйхнен эряфсна сядя цебарьгодсь и сядя весялгодсь. Трудяйхне театраль и драматургия ингели лутсть определенной счет.

— Эрявхть тейнек няфнемс аф аныцек сельмеведьне, минь синь эздост стадонга лама няема сире пингть... Тяни минь эряфоньке весялгодсь и йоратама пеедемс!

Мон лувондса, што Николай Задонский пьесац (комедияц) „Ложный стыд“ и ащи цебарь ответокс трудяйхнен ширьде путф счети.

Комедия эса основной действующей лomatьне сельскохозяйственной институтста тонафни студентт—комсомолецт. И тядя меле, васень ваномок, аф сай верондамаце, комсомолецнен йоткса улихть стама башка лomatь, конатнен лангс ваномок сай рахамаце. Но улельба вельф оцю эльбядькс, кда минь мярьголема, што: „тячнен шиньди минь комсомолецнен йоткса аш стама комсомолецт, конатнен афслхть уль афсатыксна“.

Кодама афсатыкст няфтьсь пьесать автороц? Васендакиг сон сяссь комсорг (Тоня), конац аф кальдывста тонафни и кода ломань—аф кальдыв, но вон няи кругом мещанства, кие лангозонзай цебарь платя—мещанства, одеколон рамай—машанства, кармай танцовандама—мещанства, тя фкия тип. Омбоце типсь—рядовой комсомолец (Николай), конань основной афсатыксоц—кельгема стиренцы сыопозе происхождения; сон колхозниконь цюра а стирти мярьгсь: „монь алязе учитель—физик“. И колмоце типсь сядя спорнай типсь комсомолецт—Митякась. Тя типсь, кода корхнихть сядя шураста ловонды тип. Васендакиг, сон цебарьста тонафни, талантливый, но... мерафтома кельгсы корхтаманц, хвалендаманц и нльня васькафнеманц, а глайнась—васькафни эсь лангозонза, што сон лама кельгема стирьденза, што сон якась ошу и симсь тоса винада; што сембе стирьхне теенза педезь-педихть и лия афсатыкст, конат на самом деле сон эсонза ашет. Вон, пожалай, основнон „аф реальнай“ типне, конатнен перьфкия основнонста и ульсть спорьсематне майковть 30-це шистонза „Ложный стыд“ пьесать коряс тийф диспутса.

Ся, кие ладс содасы комсомолецнен—студенттнен эряфснон, ся, кие комсомолецнен лангс ваны аф кода египетской мумия лангс, а кода живой ломань лангс, ся содасы, што кой-кона комсомолецненди свойственнайхть ломанень афсатыксне. Комсомолецнен йоткса тячнен шания минь нингя мутама и „Тоня“, и Митят“, и „Николайхтия“... А кда синь афолхть ульхть ба, то эряви мярьгомс. „Комсоргоньконь йоткса кальдыв аш, сембе синь маштыхть работама и эсь прянь вятеля; сембе синь ладс шарьхкодезь комсомольский этикаты и мораль; комсомолецнен йоткса балтутт и васькафнихть тожа аш“... Значит афсатыкснен каршес тюремась

эряви лоткафтомс, и значит улемс настоящей махровой аппортунистокс!

„Ложный стыд“ пьесась питии нингя сян мархта, што сон няфнесы, кода эряви тюремс вярэ азондф афсатыкснен мархта. И васень средствакс сывф аф пришибейтвась—панемс комсомолста!—а коллективнай воспитаньясь—ялгань лезксы.

Кода пьесать автороц, а стания и режиссерсь А. С. Ларский, конань талеказонза прасть оцю и эрявикс петнемат комедия эса, шарьхкодезь, што минь эряфоньконь пингста ялгань лезксфтома, коллективнай лезксфтома аш кода йотафтомс эряфс фкявок важнай мероприятия. Синь няфтезь, кда эсь пингстонза афоль уль тийф лезкс Тоняи—„ярай комсоргти“, то сон соньд афоль лисев ба мещанской болотаца. Митясь—сызеволь ба эряфонь действительностть эзда и эздонза лисельба аф советский специалист, а болтун. Николайсь век кармалба визнема эсь социальной происхождения эзда и кда тяни сон визнезе алянц визьксонц, то институтт аделамда меле виздель вели молеманц. А сембеда цебарьста ялгань лездомать цебарь шиц няеви студенткать—Лизань лангса. Сон рабочань стирь, физической ширьде аф кальдыв и кармась кельгомонза Анатолийть—буржуазнай семьян отрыжка (пан Скаронский унокоц), пошляк, конац йорась Лизать лангса рахсемда, кода стирень лангса, и сыземс коллективт эзда. Но Лизась коллективсонь член сонь ялганза шарьхкодезь, што

Анатолийсь теенза аф ялга и старандасть нельгема кядьстонза. Аф карман лотксема пьесать уликс афсатыксонзон лангс, надьян диступса корхтай ялгатне азсась эсь мяльсон печатсь, а лоткан сян лангс, кода эсь рольсон оправданда эртистне. Васендакиг эряви азомс, што сембе коллективсь эсь работанц мархта няфни артистической налкхсемань образец: А тя корхтай сян инкса, што коллективсь организованнай, эсь лангсонза серьезнайста работай аф васеньке кизось сон содасы театральнай (башка комедийнай) техникаты и культураты. Тя корхтай сян инкса, што режиссерсь—Ларскийсь эсь тевсонза оцю мастер.

Башка сави лоткамс Тоняи (артистка Мурскаясь), Митят (арт. Светлановсь), Викторь (арт. А. С. Ларскийсь), колхозникт арт. Уваровсь) лангс, конатнен лангс налкхсемаснон ваномок сай мархтост марса эрямаце, жестсна, мимикасна ашихть эсь вастоваст. Синь эсь налкхсемаснон мархта ваныти (зрителти) арси кельгевикс.

Аф кальдывста налкхкозь эсь рольсон: профессорсь (арт. Ларинь), Валериясь—профессорть урвац (арт. Ларинась), Лизась (арт. Любарскаясь) и лиядыхне. Но Митят (арт. Чурскаясь) роленц лангса сави нингя работамс аф аныцек эстиенза, но режиссертинья, сон зрительть ингели лисеньди кода бди ваденьфста, аф маряви эсонза комсомольской вер. Стихонь лувомста эряви виевгафтомс вайгалец и выраженияхне.

Визарл.

Омба масторга

Тяньцзинтть маласа взрывть подробностенза

Бэйпин, 1. Вастонь кругтнемь эса азонкшнесазь, што „тяньцзинский инцидентсь“ (бомбань взрыв) организовандаф нингя сядя пях аф укляжайста, Мукдентть маласа бомбань взрывть коряс (1931 к. Сенябрь 18-це шистонза) японценень мархта Манчжурия фатямда инголе.

Мекольдень сообщенияхнен эса азондови бомбать взрывонц точнай вастоц: Тяньцзинтть эзда 4 километршка восток пили японской од казарматнен малав. Железной дорогаты администрацияц сведениязон коряс взрывсь тиевсь веть 11.30 и 12 часттнен йоткста, специальнай японской воинской составт йотамдонза меле маластонь пингть.

Печатть сообщенияц коряс, тя поездсь лоткась афичкози взрывть вастонц малас 5 али 10 минутада взрыва инголе. Лама солдатт, кода азондсь печатсь, лиссть вагоноста и якасть составт малава. Ня солдаттнен прогулкасна ашесь пях подозрительнайкс.

Бэйпинца иностраннай крукие арьсхть, што Тяньцзинтть маласа бомбань взрывсь арси очередной провокациякс, конань инголе ащи цель: 1) оправдандамс Севернай Китайса японской войскачнен касфтомасна; 2) тиемс повод студенческой национальной движения машфтоманцы, 3) тиемс повод японской од выступления неийди.

Китайской армиять настроения

Северной Китайса японской войскачнен лувкснон касфтомаснон колга и японской мекольдень провокацияц колга печатть сообщенияца пях касфтозь недовольствать 29-це армиять рядонзон эса тя армиять командующаенц—Сун Чже-юаня генеральт политиканц мархта. Ся пингть, кода Сун Чже-юань йорай (склоняется) пяхкодемост японской сембе основной требованияхнен, 29-це армияса офицеронь и солдатонь основной

массась веши вооруженнай сопротивление Севернай Китайса японской войскачнен касфтомаснон каршес.

29-це армияса фкясь высшай офицерхнен эзда аззе, што армиясь аф туй кодамовок компромисс японценень мархта, аф кадсы Севернай Китайть и тив вооруженнай сопротивления японцененьди, кда синь кармайтхть сядя тов люпштама китайской властью лангс.

Францияса од парламентт пажемац

Париж Июнь 1-це шистонза 15 частста парижской времать коряс пажевсь 16-це созывонь депутатонь палатась (парламент). Заседаниянь залсь ушедсь пяхкодьшневом нинге заседания пажемдонза инголе. Коммунистической фракциясь занязе палатать сембе крайстонь киржи ширьден секторонь, шашфтозень несколькода види шири социалисттнен и радикалхнен. Мекпальцетые тикхетсть палатань амфитеатрать сембеда кучкасонза.

Васеньце заседаниясь каньес аныцек формальной характер и вятевсь аф 20 минутада ламос. Заседания пажезе возрастонь коряс сядя сире депутатсь Саллессь („республиканско-социальной“ группань член), Саллессь од палатать пажемдонза меле азсь традицион-

най речь, конанц эса корхтась французнен мяльсон колга эрямс мирнайста сембе эсь соседнон мархта и тя цельть сатоманц инкса национальной единения колга.

Депутатонь палатась кочкась жребиянь коряс 11 бюрот, конат должен кярмодемс депутатонь полномочияхнен проверямост. Тя проверкась ушеды июнь 2-це шистонза шовдава. Учендови, што июнь 3-це шинцы улихть кочкафг председатель, председател ялгатыне и путф палатань разлчнай комиссияхне.

Кода пачфнесы печатсь, Эриось азозе, што сон аф ащи сян каршес, што ладьсась сон кандидатуранц депутатонь палатань председателень постс.

Юкстаф комсомольской организация

Торбеева. Насакинань первичнай комсомольской организацияса омбоце кизось кодамовок работа аф йотафневи. Политзанятия мзярдонга ашесь йотафнев и кивок синь колгаст афи арьсекшнесь. Газетат фкявок комсомолец аф лувонды. Комсомолань 10-це с'ездть решениязон кивок ашезень тонафне. Комсомольской пуромкст пятай аф кочксевихть. 1935 кизоня пуромнефолхть 2 комсомольской пуромкст, а 1936 кизоня фкявок пуромкст ашезь пуромнев.

Лама комсомолецт юмафтозь комсомольской билетснон, и тингес нингя лувондовихть комсомолецк и членской взностка лама ково аф панихть, (Верясовсь, Паршинь).

Комсоргсь Сидоров аф шарфни кодамовок мяль комсомольской организации шире.

Минь, комсомолецне, зняльдыа комсомолонь райкомти, штоба инь курукстонь пингть максоль лезкс.

Комсомолец.

Испытанияхне маладкшнихть

Саранск. Мокшэрян рабфакса нецовсь (2-це курста). Но улихть ня шитнен ушедыхть проверочнай студентт, конат кальдывста аноклай и выпускной испытанияхне. Преподавательхне студентхненди организовандакшнихть консультация, лекция. Цебарьста аноклайхть испытанияхненди Додоновсь, Куз-

Комсомолка.

Отв. редакторсь С. С. ЛАРИОНОВ

Уполномоченный главлито № 778 Заказ № 1946. Тираж 2312.

Саранск типография „Красный Октябрь“ Мордгиза